

12. januar 2006

**Aningaasaqarnermut Nunanullu Allanut Tunngasunut Naalakkersuisoq
-/ HER**

Inatsisartut Suleriaasiat § 36 imm. 1 naapertorlugu matumuuna Naalakkersuisunut imaattunik apeqquutissaqarpunga:

Naalakkersuisunut apeqquut: Sulisoqarnermi akitsuut pillugu Inatsisartut inatsisissaattut siunnersuut pillugu, 2005-ip aasaani siunnersuutaaqqaartoq (EM2005/52):

(Inatsisartunut ilaasortaqaq Esmar Bergstrøm, Demokraterne)

- a. Inatsisartunut siunnersuut taama isikkoqartoq saqqummiuteqqinnissaa Naalakkersuisut eqqarsaatigaat?
- b. Siunnersuutip allanngortinneqarnissaa Naalakkersuisut eqqarsaatigippassuk, allannguutit suut ilanngunniarneqarpat?
- c. Siunnersuut tusarniaassutigeqqinniarnearnerluni? Taamaassappat kikkut tusarniaaffigineqassanersut paaserusunnarpoq.
- d. Paaserusunnarpoq taxa-nik sammisallit tusarniaaffigineqarsimanerlutik imaluunniit siunnersuut allatigut oqaaseqaateqarfigitinneqarsimanerluni. Taamaassimappat taama sammisallit oqaaseqaataat erseqqinnerusumik nassuiaateqarfigeqaqquneqarput. Tamanna pisimangippat paaserusunnarpoq sooq Naalakkersuisut suliaqarfik malittarisassat atuutereersut tungaasigut akornutaasumik sunniuteqarfigineqartut tusarniaaffigissallugu pissutissaqarsorisimangikkat.
- e. Siunnersuummut oqaaseqaatini allassimavoq inatsisissatut siunnersuut allaffissornikkut inuussutissarsiutinik ingerlatalinnut kinguneqartussaangitsoq. Tamanna sulisitsisut annerit eqqarsaatigalugit soorunami ilumoorpoq, akileraarutit A-t ileqquliutiinnarlugu ilanngaareertartunut. Aammali ilumoornerpa aalisartuaqqat, piniartut, savaatillit motorilinnillu qamutaatillit eqqarsaatigigaanni, nalinginnaasumik aalajangersimangitsumik sulisoqartartut?
- f. Aalisarnerup, aallaaniarnerup, piniarnerup, nunalerinerup taxa-nillu ingerlatsinerup iluani sulisitsisut minnerit sulisoqarnermi akitsuutinik pissarsiniarfigisarneri sunniuteqartinniarlugit pisariillisartinniarlugillu periarfissat aalajangersimasut suut Naalakkersuisut takorloorpaat?
- g. Sulisitsisut akileraarutininik akitsuutinillu ilanngaaniissamut akiliinissamullu eqquutsitsinngitsut eqqarsaatigalugit qanoq pineqaatissinneqartarnissaat eqqarsaatigineqarpa?
- h. Nunatsinni suliaqarfiit aningaasaqarnikkut ingerlalluanninnerusut amerlanernik akitsuusersornerisigut siunissaq ungasinnerusooq eqqarsaatigalugu inuiaqatigiit aningaasarsiornerat iluanaaruserneqassanersoq Naalakkersuisut isumaqarfigaat?

- i. Sulisoqarnermi akitsuummik akiliinissaq pillugu sulisitsisoq Akileraartarnermi Isumasioqatigiit aamma Nunatta Eqqartuussiviata aalajangiinerani sulisitsisoq naammaginninngisoq immikkut akiliuteqaranin allatulluunniit inatsisilerituunik ikiorteqarnermi aningaasartuutiminik matussusiinissaminut qanoq periarfissaqartigissava kiisalu Østre Landsret-imi eqqartuussisoqassagaluarpat Danmarkimut uterlugulu angalassagaluaruni angalanernut najugaqarnernullu aningaasartuutit matussusermissaat eqqarsaatigalugu?
- j. Iluanaarutissat saniatigut akiliutaasartut ilinniartitaanerullu akornanni ataqatigiinnerup peerneqarnerani iluaqutsissat suut Naalakkersuisut takorloorpaat?
- k. Akitsuutitigut isertitassat amerlinerunissaannik naatsorsuutigisat atorlugit suliniutit aalajangersimasut suut aningaasalersorneqassanersut pillugit Naalakkersuisut qanoq naatsorsuutigisagarpat?
- l. Inatsisissatut siunnersuutip kinguartinneqarnissaanut Sulisitsisut Peqatigiiffiata inassutigisaa sooq Naalakkersuisut malinngilaat, eqqarsaatigineqarmat suleqatigiissitanik pilersitsisoqassasoq, inatsisissatut siunnersuummik misissuisussanik, taamaalereerpallu Piginnaasaqarnermik Ineriartortitseqatigiinnut Naalakkersuisut pilersissimasaannut saqqummiullugit?
- m. Suliami pineqartumi pingaarutilinnik allanik Naalakkersuisut saqqummiussassaqaqarnerlutik?

Tunngavilersuut:

Sulisitsisut minnerit arlallit saaffigisarsimavaannga, aarleqqutigigamikku akitsuutinik nutaanik allaffissornikkullu artukkerneqassamik, illuatungaaticullu ajunngitsorsiassanik pissarsiassaqaqaratik, soorlu ilinniaqqinnernik assigisaannillu.

Isumaqaarpunga sulisitsisut minnerit ilungersoreertut akitsuutit pioreersut qaavisigut akitsuutinik amerlanernik artukkerneqarunik ajornartorsiungaatsialissasut. Maannangaaq misigisareerparput suliffeqarfanni minnerni sulisut akuttunngitsumik soraarsinneqartartut imaluunniit angerlartiinnarneqartartut sulisitsisut aningaasarsiornermikkut ilungersuuteqarnerat pequtigalugu, taamaaligaangallu sulisartut eqqorneqartut assigiinngitsutigut isumaginninnikkut ikiuutisianik inuussuteqartariaqarlutik. Sulisartunut tamakkununga isumaginninnikkut ikiorsiissutinut aningaasartuutit siunnersuutip nassatarisaanik amerlinissaat naatsorsuutigisariaqarpoq, kiisalu akissarsiassaralui arlaatigut iliuseqarnikkut sulisitsisut akiliutigiinnartariaqalissavaat, taamaalillunilu piitsut suli piitsuunerulertussaallutik.

Assersuutinik taasaqalaaginnarlanga: Ikummatissat ukiuni makkunani akitsoriartorput, taxa-nik ingerlatallit akisoorujussuarnik sillimasiisarput, umiatsiaararsortut piniartullu amerlasuut ajutoornissaminut sillimmateqanngillalluunniit. Inuussutissarsiuteqartut tamakku namminneq naatsorsuuserisarput, malittarisassallu maanna atuutereersut paasiuminaatsittorujussuaat. Tamakku tunngavigalugit inuussutissarsiornermik ingerlataqartut tamakku qaavatigut artukkeqqinnisaat eqqarsarnartorujussuvoq.

Qinnuigissavakkit akissuteqarfigineqassasunga kingusinnerpaamik 30. januar 2006, allakkatigut elektroniskiusukkullu, qallunaatut kalaallisullu, uunga nassiullugu esbe@gh.gl assilnera uunga; landstinget@gh.gl. Akissuteqaallu taamattaq allakkatigut Inatsisartut Allattoqarfianut nassiunneqassaaq.

Inatsisartunut ilaasortaq

Esmar Bergstrøm
Demokraterne